

طبيق الورد

ياصايل على قرانه بنخوة هاييلة مسرجة
ياهايم ف جنان ربيعه غايبة مخلجة
يا الساقى بعيونه خمرة طاييلة مثلجة
هاج عطشي مارو
زاد مرضي بلا دوى
ياطبيق الورد جواهره ضحكة مفلجة
هايمة فيك اليوم عني عميا مزلجة
قاصدة الصدر الحنين ليه أنا واحدة محوجة
ياقلب وافي بلا غدر
جيتك وحدي بلا عذر
و إلا حسبه ضربة من رأس اللحدة مخرجة
و حركات الهم حالفة في وحدي مزهجة
غرس ف القلب نصلة حافية مصدية معوجة
تقال حملي بلا قدر
ضياق شملي بلا صبر
جاءت سلاطة حارة كحلة مرة محدجة
مانويتها تكبر و تصير لي لفعة مدرجة
تقتلني في النهار ميات ألف مرة بلا رجي
و صبحت بلاك مقهورة
فيدك اجهد من الدورة
ما قديت نتفك منه سناسله علي ميلجة
مقولة الارسام ناره و قطبانه حامية معلجة
ماليها حل غير إيديك انت ياسماع الرجا
تسرح كبلي بالوفا
و تجمع شملي ف الصفا
و ترد لعيني نظرة فزينك و الهمة مفوجة
و تعيد لقلبي ساعة من سواييك باهية مخوجة
يتهنى بالي وخاطري وروحي تقنى متوجة
ونقول أنا زيان سعدي
الحبيب وفا لي بو عدي
وخاجيته بلا عذر غير بالشوفة و النظر
فهم قصدي بالبطر ونزل راسي على الصدر